



partii naleraq

UKA 2016/061-01

17-11-2016

Ilinniartoqarneq pillugu inatsimmik taaneqartup naleqqussarnissaa siunertaralugu attuumassuteqartut soorlu suliffeqarnerup iluani illuatungeriit ilinniarnermullu atatillugu atuagarsorfiit atuarfiit akuutinneqarnissaat pisariaqarnerseq pillugu apeqquteqaat allaavigalugu oqallinnissamik siunnersuut, taamaasiornikkut qularnaarumallugu, inatsisip ingerlalluarnissaa taamatullu Inatsisartuni amerlanerussuteqarluartunit innuttaasunillu tapersersorluarneqarnissaa.

(Demokraatit Inatsisartuni gruppiat)

Inatsisartunut ilaasortap Nivi Olsen, Demokraatineersup apeqquteqaat aallaavigalugu oqallisissiaa Partii Naleraq sinnerlugu imannak oqaaseqarfigissuarput.

Aallaqqaasiullugu Partii Naleqqamiit erseqqissaatigissuarput, Partii Naleqqami assut pingaartikkatsigu: Inatsisiliornermi apeqqutaatinnagu inatsisissaq sumut tunngassuteqarnerseq, tusarniaanermi aamma inatsisissap suliarineqarnerani susassaqtut tamarmik minnerpaamik tusarniaaffigineqarnissaat.

Aamma Naalackersuisut akissuteqarneranni paasivarput susassaqtut tamarmik tusarniarneqarsimasut, kiisalu inatsisissatut siunnersuutip inatsisartunut saqqummiunneqannginnerani ataatsimiititaliami maannakkut nalilersorneqartoq.

Taamaattumik suliap pissusissamisoortutut ingerlanneqartoq Naalackersuisunit oqaatigineqarmat paasissutissiissutigineqartut tusaatissatut tigullugit oqallisissiamut taama maanakuungallartoq naatsumik oqaaseqarpugut.

Anthon Frederiksen